

(quoy que dient les Espagnols) sont les premiers peregrinateurs de tout le monde, tant en guetres qu'en paix : Aussi leur ancien nom *Galli*, ne deriue point de *Galla*, mot Grec, pour la blancheur dont ils sont pour la plus part, mais de *Gallas* mot Hebreu, qui signifie voyager & transmigrer.

Ainsi les François se sont habitez en Canada, où ils commencent à faire planter, cultiuer & bastir ; & par effect s'y habituer, avec la permission de la Maiesté tres-Christienne, de laquelle le sieur du Mont a eu pour luy mesmes, & pour la protection requise, & les moyes necessaires pour faire vne telle entreprise.

Or par tout ceste presente histoire l'on peut voir combien grande est la bonté, faueur & clemence diuine enuers le Royaume de France, lequel il a preserué & preserue de tant de grands flots & tempestes, de coniurations intestines & d'attentats d'estrangers pour le dissiper ou l'emporter par indiuis, s'il leur eust esté possible, dont les François sont iustement tenus d'en recognoistre la Maiesté diuine : Et entre tous le Roy tres-Christien, auquel & pour lequel toutes ces graces sont conferees en sa propre personne pour le bien de son estat, d'auoir si heureusement reduit la France à vn estat si tranquille, & sur les secrettes conspirations, auoir si heureusement descouvert les trames & rompu les nœuds de telles toiles de trahisons : En quoy est à louer dignement ceste bonté diuine, d'auoir pourueu le Roy d'vne telle prudence & moderation, que de ne vouloir pas luy mesme de puissance absolue, vser de voye de fait, sur les delinquans en tel cas & crime de

24
De la Cle-
mence.